



周淙傳



周淙字彥廣長興人父需以進士起家至左中奉大夫淙警敏力學以父任為郎歷官至通判建康府紹興末邊事方興命淙守滁陽未赴移越州又徙濠梁淮楚舊有竝山水置砦自衛者淙為立約束結保伍金主亮傾國犯邊民賴全活者不可勝計除直秘閣再任孝宗受禪命帥維揚進至直顯謨閣時兩淮經踐蹂民多流亡淙極力招輯安堵如故進直龍圖閣除兩浙轉運副使未幾知臨安府請禁貴近奢靡浚

周  
河流以通舟楫除秘閣修撰進右文殿修撰奉祠歸  
上念涼不忘除敷文閣待制起知寧國府趣入奏上  
慰撫道渥魏王出鎮移守婺州明年復奉祠亟告老  
尋卒年六十



乾道臨安志卷第一  
行在所

8 宮闕

大內在鳳凰山之東以臨安府舊治子城增築南曰

麗正門門外建東西闕北曰和寧門

門外建百官待漏院東曰東華門建炎中

車駕南巡

駐蹕於此紹興七年二月降

詔巡幸建康府紹興八年三月



移蹕臨安府下詔曰昔在光武之興  
雖定都于洛而車駕往反見于前史  
者非一用能奮揚英威通行天討工  
繼隆漢朕甚慕之朕荷  
祖宗之休克紹大統夙夜危懼不常  
厥居比者巡幸建康撫綏淮甸既已  
申固邊圉獎率六軍是故復還臨安  
內修政事繕治甲兵以定基業非厭  
霜露之苦而圖宮室之安也故茲

詔諭想宜知悉

德壽宮在望仙橋之東

宮門外有百官待漏院

紹興三十二年

六月四日奉

聖旨以德壽宮為名是月十一日

光堯壽聖太上皇帝降

詔退處是宮其日

今上皇帝登

寶位

皇子府

慶王府

恭王府

右在

德壽宮北

宗廟附攢宮

太廟在瑞石山之左

景靈宮在新莊橋之西崇禎館道院在宮之南

安穆

安恭皇后攢宮在錢湖門外三里修吉寺

莊文太子攢所在錢湖門外二里寶林院

郊社

園壇在嘉會門外以南四里三歲一郊

天

熙成殿在壇側

太社太稷壇在觀橋東北每歲春秋祀

社稷

九宮壇在東青門外一里歲祀

九宮貴神

藉田先農壇在嘉會門外以南四里玉津園之南紹

興十五年十一月十七日

詔以來歲之春祇祓青壇親載耒耜

躬三推之禮以風示于四方明年孟

春二十有二日

太上躬耕藉田禮成自後歲祀

先農于此

高禘壇在嘉會門外以南四里龍華寺歲祀

高禘

三省

尚書省 六部

中書省 後省

門下省

樞密院 承旨

已上和寧門外之北

臺閣

龍圖天章寶文顯謨徽猷敷文閣在和寧門裏

御史臺在清河坊之曲西

秘書省在天井巷之東

光堯太上皇帝御書

右文殿曰右文之殿門曰右文殿門

實錄院

日曆所

右附于秘書省

學校

太學紹興十二年四月二十一日奉

聖旨太學養士權于臨安府府學措置增展其格法令禮部討論繼而于前洋街建立十四年三月七日

光堯太上皇帝祇謁

先聖止輦于大成殿門外降登步趨

執爵奠拜注視貌像翼翼欽慕復

幸太學御教化堂頒

手詔示樂育詳延之誠意命國子司

業舉閱講周易泰卦

賜群臣諸生坐垂聽講說首肯者可

三復迂玉趾俯臨養正持志二齋願

瞻生徒肄業之所徘徊久之始命駕

言還乾道五年奉

聖旨令兩浙轉運司臨安府重修

殿宇

光堯太上皇帝御書

至聖文宣王廟曰大成之殿門曰大

成殿門

光堯太上皇帝御書

御書閣牌曰首善之閣藏

光堯太上皇帝御書石經

敦化堂米友仁被  
齋舍

服膺 提身 守約 習是 養正

存心 節性 持志 率履 誠意

經德 允蹈 循理 時中 惇信

果行 務本 貫道 觀化 立禮

武學在前洋街紹興十六年四月初二日奉

聖旨令兵部討論武士兵馬及試選

去留格法申尚書省二十六年奉

聖旨令禮部<sup>兵</sup>檢會  
祖宗以來武學養士典故施行乾道  
五年奉  
聖旨令兩浙轉運司臨安府重修

殿宇

昭烈武成王殿

敦閱堂

齋舍

受成

賞謀

輔文

中吉

經遠

閱禮

諸王宮大小學在睦親宮之右  
貢院在觀橋之西  
別試所在貢院之側

經筵

講筵所

講筵閣

已上並在禁中

宮觀



太一宮在新莊橋之南

崇真館道院在宮之南

萬壽觀在新莊橋之西

晨華館道院在觀之東

四聖延祥觀在狄山紹興十六年建二十年賜今額

道院在觀之北

三茅寧壽觀在城中七寶山紹興十六年賜今額

顯應觀紹興十九年于龍山西建立二十四年徙于

湧金門外靈芝寺之右

旌忠觀紹興元年宣撫處置使張浚劄子據吳玠陳

請陝西出兵自來祈禱三聖屢獲顯

應乞于鳳翔府和尚原立廟賜旌忠  
廟額封忠烈靈應王忠顯昭應王忠  
惠順應王三年張浚楊存中郭仲荀  
用以俸于臨安府踏道橋東立廟紹  
興十九年改賜觀額三十二年徙于  
覺苑寺故基

廟宇

祚德廟在車橋西紹興二十二年二月二十一日奉

聖旨令兩浙轉運司蓋造

苑園

玉津園在龍山之北  
聚景園在清波門外

院

諫院在三省後

學士院在和寧門裏

登文<sup>閣</sup>檢院在麗正門外

登聞鼓院在麗正門外

官告院在尚書吏部中門

都進奏院在朝天門外

諸司糧料院在壽域坊之北

諸軍糧料院在壽域坊之北

文思院上下界在北橋之東

車輜院在嘉會門外

騏驎院在柴坊嶺下

六房院在三橋之西

五房院在紅橋之西

所

玉牒所在朝天門之南  
敕令所舊在天井巷今徙于朝天門之南  
軍器所在祥符寺之東

三衙

殿前司在八盤嶺南

侍衛馬軍司在天慶坊

侍衛步軍司在鐵冶嶺

寺監

太常寺在天井巷舊敕令所

宗正寺附于大  
宗正司

大理寺在仁和縣西

司農寺在市南坊之北

太府寺在通江橋之東

國子監事具學校

將作監在修文坊

軍器監在修文坊

司

大宗正司在睦親坊

軍頭引見司在文思院後  
左右金吾衛使司在吳山  
諸司審計司在淨因坊之北  
謂軍審計司在淨因坊之北  
牛羊司在權貨務後  
排岸司在武學相對

○內諸司

閣門

客省四方館

○右在和寧門外

入內內侍省

禁衛所

皇城司

御藥院

內東門司

御前馬院

修內司

翰林院  
天文局醫官局  
鐘鼓院隸焉

通進司

御厨

翰林司

儀鸞司

合同憑田司

後苑

內藏庫

內軍器庫

御酒庫

右並在禁中

倉

省倉上界在天水院橋之北  
省倉中界在仁和縣橋之東  
省倉下界在餘杭門外九里  
豐儲倉在東青門外三里

場

權貨務都茶場在通江橋之東  
襍買務襍賣場在通江橋之西

草料場在天水院橋之北  
糯米糴場在德勝橋之北

庫

左藏庫在清湖橋之西  
御酒麩料庫在後市街  
祇候法物庫在糯倉巷  
度牒庫在油車巷  
贍軍南酒庫在朝天門外  
贍軍東酒庫在柴塚橋之東  
有和樓  
有和樓  
有和樓

贍軍北酒庫在鹽橋之東有春風樓  
贍軍西酒庫在三橋之西有豐樂樓  
贍軍中酒庫在灞頭市之北  
贍軍南外酒庫在候潮門外  
贍軍北外酒庫在江漲橋鎮

8局

太醫局在葛公橋之南  
和劑局在臨安府治後  
太平惠民南局在太廟之南

太平惠民北局在灞頭市  
太平惠民西局在衆安橋  
太平惠民東局在浙江  
太史局在吳山  
編估打套局在太府寺後

8府第

左右僕射府在壽域坊南  
樞密知院府在天慶坊  
執政府在天慶坊南

嗣濮王府在軍將橋之東

吳王府在後洋街

益王府在中沙巷

睦親宅在清湖橋之東

臺諫宅在太常寺西

百官宅在石灰橋

8 驛館

都亭驛在候潮門裏國信所附之

懷遠驛在法慧寺今廢

班荆館在赤岸港

8 軍營

禁衛諸班直營一在天慶坊一在保民坊一在崇新門裏一在艮山門裏

皇城司親從親事等指揮營在豐樂橋東

捧日天武龍神衛等指揮寨并殿前司馬步軍三司

諸軍寨並環列于府城內外東至外

沙西至西溪安樂山南至龍山北抵

江漲橋鎮

御輦院供御次供御下都輦官營在崇新門裏

修內司壯後等指揮在南松嶺下

儀鸞司營一在麗正門外

翰林司營在鹽橋南

御厨營一在天慶坊一在報恩坊

軍器所萬全東西作坊等指揮營在大理寺西

軍頭司等子營在文思院後

騏驎院教駮營在柴坊嶺下

乾道臨安志卷第一

乾道臨安志卷第二

歷代沿革

大都督臨安府餘杭郡寧海軍節度治錢唐仁禹貢

揚州之域春秋時屬吳吳滅入越越滅入楚秦并天

下屬會稽郡太平寰宇記吳越春秋夫差航登陸于

止于餘杭山史記始皇三十七年十一月過丹陽至

錢唐臨浙江西一百三十三里從狹中渡願夷曰始皇

過餘杭因漢因之又海鹽縣武原鄉有鹽官沈約宋

立為縣至東漢順帝之後隸吳郡郡有餘杭富春

漢舊縣也有於潛城三國時屬吳吳大帝分餘杭置臨水縣志



賀齊表奏分餘杭為臨水縣黃武五年即富春縣置東安郡吳志云分

三郡以全琮為守又分富春置新城縣既而廢寶鼎二年

割於潛屬晉太康元年改臨水縣為臨安縣時監官

錢唐富陽晉武帝避簡文鄭隸吳郡臨安餘杭於潛

隸吳興郡地理志咸和中復置新城縣宋齊梁因之

陳置錢唐郡隋開皇九年平陳廢郡割吳興吳郡之

地置杭州初治餘杭未幾移治錢唐省并新城臨安

縣仁壽二年割武康縣屬杭州因置總管府大業初改為餘杭郡統縣六隋地理志云錢唐富陽餘杭於潛監官武康唐武德

六年六月復為杭州隸蘇州總管是年沒于輔公祐

七年平賊復置杭州因併監官入錢唐以武康隸湖

州陞於潛縣為潛州八年州廢以舊縣來屬貞觀元

年為天下分十道杭州隸江南東道四年分錢唐復

置監官凡領縣五錢唐富陽餘杭於潛監官隸潤州都督府永淳

元年析富陽復新城縣垂拱二年析於潛置紫溪縣

四年析餘杭復臨安縣萬歲通天元年改紫溪為武

隆聖曆元年又改為武崇神龍元年改為唐山今昌化縣

也大曆二年廢景雲二年屬江南道按察使開元二

長曆之後復置

十一年分隸江南東道採訪使天寶元年改為餘杭  
 郡統縣八唐志云錢唐富陽餘杭於至德二載置江  
 東防禦使餘杭郡乾元元年復以為杭州置浙江西  
 道節度治昇州尋徙蘇州未幾兼餘杭軍使治杭州  
 二年改置觀察使治蘇州上年二年詔杭州刺史領  
 領防禦使建中二年置鎮海軍節度于潤州元和之  
 後使名廢置不常龍紀元年復置杭州防禦使景福  
 元年賜號武勝軍防禦二年陞為都團練觀察尋廢  
 移鎮海軍節度使治杭州已上使名歲次並見唐方

年移鎮海軍于杭州景福二年是年始拜錢鏐為節  
 度使俄而置都督府又陞為大都督府天祐四年以  
 臨安縣衣錦城為安國衣錦軍朱梁開平元年改新  
 城為新登以梁太祖父登二年改臨安為安國事見五  
 四年改唐山為金昌龍德三年析錢唐鹽官地置錢  
 江縣今仁和與錢唐分治城下後唐同光初復金昌  
 為昌化石晉改為橫山又以為吳昌五代之亂錢氏  
 據有兩浙幾百年號吳越國  
 宋興錢俶始事貢獻太平興國三年朝于

京師遂納土馬其年改錢江為仁和復新登為新城  
陞安國衣錦軍為順化軍治臨安縣四年改吳昌為  
昌化五年廢順化軍以其縣復隸杭州淳化五年詔  
以鎮海軍為寧海軍詔曰浙右與區餘杭故壤閭閻  
舊俗有延陵庶遜之風組練雄  
師知孫武訓齊之令控于滄海實曰大藩宜更即陞  
制之名用治底寧之化杭州鎮海軍改為寧海軍  
南新場為紹德縣六年改為南新縣領縣十皇祐元  
年管勾一路兵馬幹轄司事熙寧五年廢南新為鎮  
隸新城縣七年分浙東西為兩路杭蘇湖潤常秀  
暱七州為兩路宣  
和中領浙西安撫使建炎三年

翠華巡幸是年十一月三日陞杭州為臨安府復兼  
浙西兵馬幹轄司事統縣九錢唐仁和餘杭臨安富  
陽於潛新城監官昌化紹興五年三月二十四日  
指揮臨安府

車駕駐蹕之地宜增重事權依舊兼浙西安撫使云

### 8 星度分野

周禮保章氏以星土辨九州之地所封封域皆有分  
星以觀妖祥注云星紀吳越也史記天官書漢書天  
文志皆云牽牛婺女揚州地里志云吳地斗分野也

晉書天文志隋書地理志皆云自南斗十二度至須  
女七度為星紀于辰在丑吳越之分野屬揚州費直  
起斗十度蔡邕起斗六度改永喜中歲星熒惑太白  
聚牛女之間識者以為吳越之地當興王者又符堅  
欲謀為寇石越對曰今歲星鎮斗牛福德在焉垂象  
弗差符融曰歲鎮在斗牛吳越之福五代史云唐末  
豫章人有善術者望斗牛間有王氣牛女乃錢唐分  
野

國史地理志兩浙路當天文南斗須女之分

8 風俗

吳地古揚州之境也其俗躁勁輕揚故曰揚州或云  
州界多水水波揚也周官職方氏曰揚州之民二男  
而五女其畜宜鳥獸其穀宜稻吳越春秋云人性脆  
而愚水行山處以船為車以楫為馬悅兵而敢死漢  
志曰吳越之君皆其勇故其民好用劍輕死易發文  
身斷髮以避蛟龍之害應劭曰常在水故斷其髮  
文其身以象龍子故不見傷  
也害數與楚接戰互相兼並故吳越風俗畧與楚同隋  
志曰江南之俗火耕水耨魚稻富饒不憂飢餒信鬼

神喜溪祀又曰吳郡杭州澤沃衍有海陸之饒珍異  
以所聚商賈並湊其人君子尚禮庸庶敦龐敦風俗  
澄清而道教隆洽亦其風氣所尚也  
國史地理志總叙兩浙路以為人性敏柔而慧尚浮  
屠氏之教厚於滋味急于進取善于圖利

○州境

通典太平寰宇記皆云杭州乃春秋越國之西境西  
北至禦一作語兒分界在吳郡嘉興縣南今秀州崇德  
縣有禦兒鄉是也又周顯王四十六年楚威王伐越

破之盡取其地至於浙江之北

東西六百六十七里一百三十六步

南北九十九里三十三步

○四至八到

東至秀州界一百二十九里自界首至本州一百二

十里

西至徽州界二百四十三里自界首至本州九十里

南至紹興府里三十六里自界首至本府九十里

北至湖州界五十四里自界首至本州一百八里

東南到紹興府界三十六里自界首至本府一百三

十五里

西南到嚴州界一百五十三里自界首至本州一百

二十一里

東北到秀州界九十三里自界首至本州九十七里

西北到宣州界一百九十八里自界首至本州二百

一十里

去兩京地

東京二千二百里

西京二千二百里

陸路

西至昱嶺二百四十三里入徽州界

北至導墩五十四里入湖州界

東北至七里店九十三里入秀州界

西北至千秋嶺一百九十八里入宣州界

南至白峰鋪一百五十三里入嚴州界

水路

東至浙江沿海郭澁港一百二十九里入秀州界

南至浙江中流三十六里入紹興界

北至下塘大港導墩五十四里入湖州界  
東北至上塘運河七里店九十三里入秀州界  
東南至浙江中流三十六里入紹興府界  
西南自浙江入溪至白峰一百五十三里入嚴州界

縣

望錢唐

望仁和

望餘杭

望臨安

緊富陽

緊於潛

上新城

上鹽官

中昌化

鎮

江漲橋鎮

臨平鎮

范浦鎮

右並端拱元年置隸仁和縣

湯村鎮

右本仁和鎮端拱元年改隸仁和縣

南新鎮

右熙寧五年置隸新城縣

在城八廂吏部注大小使臣分治烟火賊盜公事

宮城

左一

左二

左三

右一

右二

右三

右四

8 城南北兩廂 紹興十一年五月七日郡守

江漲橋十里人烟繁盛各比一邑乞于  
民資序京朝官主本廂公事杖六  
十以下罪聽決奉管廂北右廂差親

依聖旨

城南左廂 舊治便門外一里浙江跨

城北右廂 治餘杭門外六

8 城東西都巡檢使 乾道三年四月二十日

東西廂地分廣濶巡邏稀疎以城外  
任官內踏逐有武勇之人二員兼  
東西巡檢使各差軍兵三十

人帶器仗巡警措置賊盜奉

依聖旨

城東都巡檢使司 治城東一里

城西都巡檢使司 治城西三里

8 城社 附赤山之南

九域志隋楊素剏州城周回三十六里九十步有城

門十二東曰便門保安崇新東青艮山新門西曰錢

湖清波豐預錢唐南曰嘉會北曰餘杭有水門五東

曰保安南水北水北曰天宗餘杭景福二年錢鏐後周

民夫二十萬及十三都軍士築杭州羅城周七十

南門曰龍山東門曰竹車南土北土保德北門曰北



關西門曰涵水西關城中又有門曰朝天門曰  
炭橋新門曰鹽橋門今廢土人猶以門稱焉  
社壇舊在利涉門內今嘉一百步今徙于城西一里  
昭慶寺

8 戶口

自陳置錢唐郡隋廢郡為杭州戶一萬五千三百八  
十唐貞觀中戶三萬五百七十一口一十五萬三千  
七百二十九開元中戶八萬六千二百五十八太平  
寰宇記載

皇朝初戶主六萬一千六百八客八千八百五十七

九域志戶一十六萬四千二百九十三客三萬八千  
五百二十三

兩朝國史戶二十萬五千五百六十九今

戶二十六萬一千六百九十二

口五十五萬二千六百七

8 廨舍

府治舊在鳳凰山之右子城南曰通越門北曰雙門  
錢氏舊造至和元年郡守資政殿學  
士孫中孫沔重建樞密直學士蔡  
兼撰記并書刻建炎四年  
石于門之右

翠華駐蹕今徙治清波門之北以奉

國居寺即淨因寺故基創建

兩浙轉運衙太平興國三年錢氏納土是年五月丙

戌始置轉運使以刑部郎中楊克遜

充兩浙西南路轉運使宗正寺丞趙

齊副之祠部郎中劉保勳充兩浙東

北路轉運使右拾遺鄭遜副之熙寧

七年四月癸巳檢正中書刑房公事

沈括言欲乞分浙東西為兩浙路轉

運使于杭州置司杭州為浙西路越

明台婺溫衢處七州為浙東路

詔從之舊治在雙門之北為南北兩

衙今徙于湧金門南為轉運東西衙

提舉市舶衙舊在城中淳化三年四月庚午移杭州

市舶司于明州定海縣以監察御史

張肅領之今存市舶務

通判南廳在府衙南

通判北廳在府衙東

光道監安志

安撫司叅議官主管機宜文字幹辦公事

治之左右

僉判察判節推察推司戶司法教授

之左右

府院在府衙門之西錄事叅軍

左司理院在府衙之東司理叅軍

右司理院在府衙之西司理叅軍

學校

至聖文宣王廟舊在府治之南子城通越門外有稽

閣奉安

御書宣和中本路廉訪使降

御書殿榜曰大成錢唐仁和縣學附焉

六經齋十二

經德 進德 炳文 允習

順順 賁文 蒙養 時升

益朋 履信 復古 賓賢

建炎以來遷徙不常紹興元年于凌家橋東以慧安寺故基重建

光道臨安世 卷二

六齋

升俊

經德

敦厚

彌新

賁文

富文

8 科舉

舊制三歲應

詔解七人崇寧頒三舍法于學歲貢七年宣和五年復科舉三歲解十四人紹興二十六年增西北流寓解額三人今解十七人

8 軍營 附兵籍

禁軍

東南第三將自錢氏納土之後准

朝廷處分屯駐劄寨在東有正副

將各一員押隊官二員元管步軍九

指揮大觀四年三月奉

聖旨撥威果第二十八雄節第九

指揮往平江府駐劄宣和二年因討睦

州方寇准殿前司備奉

旨揮撥到威捷第一指揮馬軍并全

捷第二第三指揮步軍並屬本將駐劄共見管八指揮元額四千八十人

威捷第一指揮元額五百人

威果第四指揮元額五百人

威果第五指揮元額五百人

威果第六指揮元額五百人

雄節第八指揮元額五百人

雄節第十六指揮元額五百人

全捷第二指揮元額五百人

全捷第三指揮元額五百人

京畿第二將元係東京畿縣陳留雍邱尉氏陽陵

陽武屯駐人兵建炎元年十一月准

樞密院劄子差隨統領劉俊前來杭

州收捕陳通續准

樞密院劄子備奉

聖旨存留本將人馬在杭州就糧駐

劄營寨在東有正副將各一員押隊

官三員共管一十六指揮元額七千

六百六十人

武騎第六指揮一元額四百

武騎第七指揮一元額四百

廣勇左一四指揮一元額五百

廣勇左一五指揮一元額五百

廣勇左一六指揮一元額五百

廣捷第四指揮一元額五百

廣捷第五指揮一元額五百

廣捷第六指揮一元額五百

忠節第二指揮一元額五百

驍猛第一指揮

神威第九指揮

雄勇第二指揮

雄威第六指揮

効忠第二十四指揮

効忠第七十五指揮

効忠第七十七指揮

兵馬鈐轄司軍兵內雄捷節威果全捷三指揮于熙

寧三年以後招置宣和二年分撥宿  
州屯駐軍龍騎歸遠二指揮軍兵前  
來討捕睦州方寇續准

指揮留屯于杭州營寨在東青門外係本府  
兵馬鈐轄管轄共管五指揮元額二  
千五百人

雄節第七十指揮元額四百人

威果第六十一指揮元額四百人

全捷第十七指揮元額四百人

龍騎指揮元額四百人

歸遠指揮元額四百人

諸寨土軍一十三處元額共管一千三百六十六人

外沙巡檢司寨在候潮門外元額二百人

海內巡檢司寨在嘉會門外元額二百人

管界巡檢司寨在餘杭門外元額一百人

茶槽巡檢司寨在東青門外元額一百人

南蕩巡檢司寨在錢唐縣界元額六十人

東梓巡檢司寨在富陽縣界元額二十人

上管巡檢司寨在鹽官縣界元額管土軍一百二十人  
 赭山巡檢司寨在仁和鹽官兩縣界元額管土軍一百二十人  
 黃灣巡檢司寨在鹽官縣界元額管土軍一百二十人  
 硤石巡檢司寨在鹽官縣界元額管土軍一百二十人  
 奉口巡檢司寨在錢唐仁和縣界元額管土軍一百二十人  
 許村巡檢司寨在鹽官縣界元額管土軍一百二十人  
 下塘巡檢司寨在仁和縣界元額管土軍一百二十人

廂軍

崇節第一指揮額管五百人

崇節第二指揮額管五百人  
 崇節第三指揮額管五百人  
 崇節第四指揮額管五百人  
 崇節第五指揮額管四百人  
 崇節第六指揮額管四百人  
 捍江第一指揮額管四百人  
 捍江第二指揮額管四百人  
 捍江第三指揮額管四百人  
 捍江第四指揮額管四百人



捍江第五指揮 額管四百人

修江指揮 額管一百人

都作院指揮 額管四百人

小作院指揮 額管一百人

清湖閘指揮 額管七人

開湖司指揮 額管二人

北城堰指揮 額管三人

西河廣濟指揮 額管三人

樓店務指揮 額管三人

左一廂

長安堰閘指揮 額管一人

秤斗務指揮 額管四人

北城指揮 額管三人

鼓角匠指揮 額管二人

橫江水軍指揮 額管二人

缸務指揮 額管二百人

牢城指揮 額管八百人

坊市

無額乾道五年八月分軍

卓道周...

市西坊 灞西巷

太平坊 新街巷

清河坊 清河巷

回濤坊 吳山井

徑山坊 峨眉山巷

淨因坊 樓店巷

善化坊 竹園巷

左二廂

修義坊 凌椒巷

市南坊 巾子巷

融和坊 肉市巷

吳山坊 吳山井

通浙坊 天井巷

大隱坊 都酒巷

豐豫坊 府學巷

懷慶坊 寶月巷

樂象坊 南棚巷

教睦坊 銀甕巷

秀義坊 下百巷

修文坊 修文巷

保信坊 剪刀巷

睦親坊 宮巷

保和坊 輓街巷

左三廂

飲善坊 開扇巷

清風坊 活子巷

積善坊 上百巷

壽安坊 官巷

里仁坊 陶家巷

定民坊 中棚巷

純禮坊 後洋巷

報恩坊 觀巷

甘泉坊 相國井巷

興慶坊 前洋巷

卓道...  
德化坊 巷木子

右一廂

孝仁坊 清平巷  
壽域坊 糧料巷  
天慶坊 天慶觀巷  
長慶坊 竹竿巷  
常慶坊 柴柴巷

右二廂

清平坊 沙皮巷

貴恕坊 相府巷  
保寧坊 太廟巷  
保民坊 吳山廟巷  
懷信坊 櫓欄巷

興禮坊 清冷巷

右三廂

通和坊 金波橋巷  
蘭陵坊 水巷  
武志坊 李博士橋巷  
新安坊 小新橋巷  
祈祥坊 北橋巷  
普寧坊 清遠橋巷  
教欽坊 竹竿巷  
招賢坊 仁和巷

延福坊 灞東巷  
義和坊 炭橋巷  
戒民坊 棚橋巷  
延定坊 鴛鴦橋巷  
懷遠坊 軍頭司巷  
同德坊 燈心巷  
嘉新坊 十郎堂巷  
安國坊 仁和倉巷

東坊後巷

東坊中沙巷

善履坊豐橋巷

豐和坊豐橋巷

富樂坊蒲橋巷

右四廂

寧海坊鐵碇巷

界分

錢唐縣

南城界

西坊中沙巷

興德坊鹽橋巷

昌樂坊薦橋巷

西城界

溫泉界

中路南下分界

外河界

西湖門南界

三教門界

西一界

東一界

東西下七分界

三橋南界

中路南上分界

中路北界

州內界

西湖門北界

吳山北界

西二界

東二界

淨因界

三橋北界

灞北界

中棚界

橋南界

後杭界

木子西界

仁和縣

中濠南界

小新營界

妙慈界

開道坊界

井亭橋北界

橋北界

木子東界

西莊界

眾安東界

東營界

沙河東界

灞東界

永新橋界

西營界

橋梁

中濠北界

仁和界

東亭驛橋

阜民橋

望仙橋

薦橋

蒲橋

州橋

過軍橋

三聖廟橋

道明橋

藍橋

洪橋

通江橋

柴垛橋

豐樂橋

梅家橋

葛公橋

瓦子前橋

巧兒橋

舍兒橋

炭橋

新橋

軍頭司木橋

天水院橋

祥符橋

鍾公橋

瓦子後橋

亨橋

永清橋

李博士橋

鵝鴨橋

清遠橋

回龍橋

衆安橋

清冷橋

金波橋

猫兒橋

水巷橋

棚橋

北橋

仁和倉橋

貢院橋

淨因寺橋

樓店務橋

凌家橋

渡子橋

施家橋

軍將橋

紅橋

沈斐橋

結縛橋

紀家橋

石橋

仁壽橋

六房院橋

侍郎橋

施水坊橋

鞞鼓橋

清湖橋

左藏庫橋

車橋

木橋

轉運衙石橋

金文橋

三橋

井亭橋

馬家橋

石灰橋

丁家橋

楊四姑橋

師姑橋

新莊橋

斜橋

便橋

物產

禹貢揚州篠蕩既敷厥草惟夭厥木惟喬周官職方氏揚州其利金錫竹箭其畜宜鳥獸其穀宜稻舊經云產白編綾緋綾籐紙木瓜橘蜜薑牛膝地黃

今產

穀

杭

稷

粟

麥

麻

豆

衣

綾

絹

布

緜

羅

紬

紗

貨

茶

鹽

絲

蜜

蠟

紙

藥

白木

茱萸

菖蒲

桑白皮

芍藥

五茄皮

地榆

白芷

地黃

地膚

甕粟

薄荷

紫蘓子

麥門冬

天南星

白芨

香附子	牛膝	何首烏	百合
牽牛	地骨皮	牛蒡子	荊芥
乾葛	天粉花	馬兜鈴	丹參
苦參	沙參	石竹	白鮮皮
白薇	藜蘆	恒山	草薺
劉寄奴	葳靈仙	五倍子	茵陳
山藥	黃菁	瞿麥	旋復花
菊花	枸杞	草烏頭	鬼箭
山豆根	茯苓	半夏	貫衆

牡丹皮	杜仲	車前子	石燕子
秦皮	青蒿子	寒水石	枳實
續斷	前胡	千年潤	益母草
香薷	千金草	地篇蓄	蛇床子
釣藤	黃皮	烏藥	藁本
獨活	升麻	蒲黃	苦練皮
百步根	躑躅花	澤蘭	榆白皮
鳳眼草	金星草	木通	覆盆子



草...  
...  
...

橘

橙

梅

桃

李

杏

柿

栗

棗

瓜

梨

蓮

芙蓉

藕

菱

枇杷

櫻桃

石榴

木瓜

林檎

楊梅

雞頭

銀杏

甘蔗

花

牡丹

芍藥

酴醾

棣棠

海棠

金林檎

御李

緋桃

滴滴金

碧桃

紅杏

長春

玉簪

水仙

玉梅

薔薇

佛見笑

聚八仙

粉團

山茶

海紅

徘徊

百合

梔子

剪紅羅

石竹

萱草

密友

金燈

蜀葵

千葉蓮

佛頭蓮

紅榴

木犀

丹桂

木芙蓉

黃菊

山丹

白菊

蠟梅

香梅

千葉梅

福梅

瑞香

木

桑

梓

柘

松

栢

桐

楮

櫟

槐

杉

楮 桂 棗 檀 樟

楓 柳 榆

竹

箬 笙 金 淡

紫 班

土貢

禹貢揚州厥貢惟金三品厥篚織貝厥包橘柚錫貢  
唐書地理志貢白編緋綾藤紙木灰橘蜜薑乾薑芑  
子牛膝太平寰宇記歲貢乾地黃牛膝藤紙蜜九域

志貢綾三十匹藤布一千張

兩朝國史貢糟藏瓜薑祥符舊經貢山茶楊梅笋絹

紬綿子薑甘蔗

今貢

綾三十匹

稅賦茶租免後

夏稅每歲婺州給本府衣絹二千五百匹紬三十匹  
綿三萬五千兩徽州給本府衣絹七千四匹

綿一萬七千

絹九萬五千八百一十三匹二尺四寸三分七釐

細四千四百八十六匹三丈四十八寸一分二釐  
綾五千二百三十四匹一丈

綿五萬八千五百二十一兩二錢二分八釐

秋稅

苗米一十二萬三千七百一十三石六斗八升一

合一勺七撮

茶租錢一萬一千六百八十九貫一百四十三文

免役錢一十二萬一千八百八十五貫七百八十五文

和預買每歲認發江陰單和買絹七十二丈八尺四寸三分五釐折帛錢九千二百七十八

貫五百一十八文

絹四萬三百九十九匹二丈六尺二寸三分五釐

細七百九十五匹

折帛錢六十四萬八千三百八十五貫五百一十

八丈

倉場庫務錢監作院附

鎮城倉在餘杭門裏

都鹽倉在天宗門裏

常平義倉在餘杭門裏

合同茶場在湧金門裏  
糠場在天宗水門裏  
城南炭場在候潮門外  
城北炭場在餘杭門外  
軍資庫在府衙門之左  
常平庫在府衙門之左  
公使庫在府衙門之東  
甲仗庫在府衙門之東  
架閣庫在府衙門之北

公使酒庫在府衙門之西

祇備庫在府衙門之西

什物庫在府衙門之西

輜擔庫在府衙門之西

醋庫一十八處分在府城內外

都稅院在灤頭市東抵當庫平準務  
秤對局附焉

龍山稅賦在嘉會門外

浙江稅務在浙江岸跨浦橋南

北郭稅務在餘杭門外

江漲橋稅務在江漲橋鎮市

紅亭稅務在崇新門外

樓店務在府衙之東

市舶務在保安門外諸家橋之東

酒務五處乾道二年五月二十五日戶部侍郎曾懷

申請併歸戶部贍軍庫取三年所趨

息錢以一年酌中之數為額却于贍

軍庫收趨息錢內撥還臨安府奉

聖旨依奏

都酒務在清河坊西

南收較務在灞頭橋南園

北比較務在後洋街泉

龍山酒務在龍山下白塔

江漲橋務在江漲橋鎮市

都作院在湧金門之北小作院附之

錢監大唐寶興鑄錢監在龍山相近吳郡圖經曰每

歲官取長洲縣白塔土為錢唐鑄錢

監用今藉田園乃故基也旁有長生

水池大中祥符九年五月戊申江淮  
兩浙發運使李浦言饒池江杭四州  
錢監每歲共鑄錢一百二十萬貫用  
銅四百五十三萬斤 今廢

館驛亭臺樓觀  
閣軒附

樟亭驛晏殊輿地志云在錢唐縣舊治之南五里白

居易有宿樟亭驛詩羅隱乾符五年

夏登是驛看潮有詩廢

郵亭驛在朝天門外中間改名天策今為昇陽宮

仁和館在清湖閘之東紹興十九年郡守湯鵬舉建  
亭

南園巽亭慶歷三年郡守蔣堂于舊治之東南建巽

亭以對江山之勝崇寧三年蔣之奇

作詩紀其事胡宿詩云武林天  
下奇巽亭境中絕

介亭在舊治後聖果寺熙寧中郡守祖無擇對排衙

石作介亭左江右湖千里在目無擇

為介亭銘序云亭前有石二佾自北

而南二十舉趾高踰再佾有若衙道

故諺以排衙稱因名其亭曰介亭銘

曰猗歟茲亭仁智是經控帶山海周

旋日星嘉乃成績取名于易維介之

義以敏厥德東坡居士餞揚次公于

此亭詩云丹青明滅風

篁嶺環佩空響桃花源郡人今廢

清風亭在中和堂之側直望海門廢

曲水亭在舊治治平中郡守舍人沈邁建今廢

望越亭在舊治後慶曆中郡守蔣堂建政和元年郡

守張閣遷選亭于此遂廢

碧波亭晏殊輿地志云在舊治子城北門外五代史

載錢氏大閱兵于碧波亭亭階臨水

面濶數丈元豐中郡守張詵重建

隆禮亭祥符舊經云在郡城錢唐舊治之南到縣一

十三里廢

敦禮亭祥符舊經云在郡城錢唐舊治之南到縣一

十二里廢

崇禮亭祥符舊經云在郡城錢唐舊治之南到縣一

十一里廢

鳳凰亭祥符舊經云在通判舊治廢

集賢亭在豐豫門外湖堂前廢

潺湲亭古稱阿閃佛塔亭傍有溝牒引湖水以注相

國井而水衝突沸騰遂名潺湲亭廢

通遠亭祥符舊經云在錢唐縣舊治北到縣四里廢

橘園亭在鹽橋之南乾道五年郡守周淙重修

馭舟亭在鹽橋之北

安濟亭祥符舊經云在錢唐舊治南到縣二十里

浙江亭祥符舊經云在錢唐舊治南到縣一十五里

○  
○  
堂

有美堂在郡城吳山嘉祐二年龍圖閣直學士梅摯

出守杭州

仁宗賜詩罷行摯乃取詩之首章以

名有美堂詩見牧歐陽修記曰夫舉

天下之至美與其樂有不得而兼焉

者多矣故窮山水登臨之美者必之

乎寬閑之野寂寞之鄉而後得焉賢

人物之盛麗誇都邑之雄富者必據



乎四達之衝舟車之會而後足焉蓋  
彼放心于物外而此娛意于繁華二  
者各有適焉然其為樂不得而兼也  
今夫所謂羅浮天台恒岳廬阜洞庭  
之廣三峽之險號為東南奇偉秀絕  
者乃皆在乎下州小邑僻陋之鄉此  
幽潛之士窮愁放逐之臣之所樂也  
若乃四方之所聚百貨之所交物盛  
人衆為一都會而又能兼有山水之

美以資富貴之娛者惟金陵錢唐然  
二邦皆僭竊于亂世及

聖宗受命海內為一金陵以後服見  
誅今其江山雖在而頽垣廢址荒烟  
野草過而覽者莫不為之躊躇而悽  
愴獨錢唐自五代時知尊中國効臣  
順及其亡也頓首請命不煩干戈令  
其民安富足安樂又其俗習工巧邑  
屋華麗蓋十餘萬家環以湖山左右

映帶而閩商海賈風帆浪舶出入于  
江濤浩渺烟雲霄靄之間可謂盛矣  
而臨是邦者必皆朝廷公卿大臣若  
天子之侍從又有四方遊士為之賓  
客故喜占形勝治亭榭相與極遊覽  
之娛然其于所取有得于此者必有  
遺于彼獨所謂有美堂者山水登臨  
之美人物邑居之繁一寓目而盡得  
之蓋錢唐兼有天下之美而斯堂者

又盡得錢唐之美焉宜乎公之甚愛  
而難忘也梅公清今上御名好學君子也

視其所好可以知其人焉四年八月

丁亥廬陵歐陽修記蔡襄書碑擘又

賦五言詩六篇皆以有美堂斯建為

篇首錢氏初建江湖亭于此一時名流皆有

詩後人以今廢為酒名

中和堂在舊治

又有清風亭在堂之偏望海樓在堂

北建炎三年四月壬戌

光堯太上皇帝來登此堂遠瞻稽山  
思夏心之功俯臨濤江懷子胥之烈  
御製古詩一首六龍轉淮海萬騎臨  
吳津王者本無外駕言蘓遠民瞻彼  
草木秀感此瘡痕新登堂望稽山懷  
哉夏禹勤神功既盛大後世蒙其仁  
願同越勾踐焦思先吾身艱難務遵  
養聖賢有屈伸高風動君子屬意種  
蠡臣又

虛白堂舊圖經

云在蒼治晏殊輿地志云為刺史在  
官清嚴人無  
慶中刺史白  
御書謂斯堂偉持之觀無愧上都薰  
風南來我意雖快願與庶人共之後  
改為偉觀堂先是錢氏武肅王建闕  
禮堂至和三年郡守孫沔重修棟宇  
宏麗輪奐一新更名中和趙抃詩云  
老耒重守  
鳳凰城千里人心豈易平樂職古賢  
形嘆頌中和終不為虛名後人以為  
名酒

居易有詩刻石堂上為隱虛白堂杜  
丹詩云莫背欄十便相笑與君俱受  
主人恩蓋謂白太傅手植此花也郡  
守梅摯十詩皆以堂有虛白閑為首  
章堂前有紫薇兩本世傳居易所植  
蘓軾有虛白堂紫薇花詩廢

清暑堂治平三年郡守蔡襄建在州治之左并撰記  
及書刻石堂上廢

秋香堂在漕臺舊治轉運使劉既濟建廢

湖堂在豐豫門外堂前有集賢亭廢

三賢堂在孤山竹閣有白樂天林君復蘓子瞻三賢

像後廢不存乾道五年郡守周淙重  
建于水仙王廟之東廡

講易堂在府治之東紹興十六年郡守張澄建張偁

名為吏隱堂隆興元年陳輝改今名  
中書舍人張孝祥書左朝請夫夫葛

立古樓記

東樓一名望海樓

在舊治中

寰宇記云高

十八唐武，八年置廢

十三間樓去錢唐門二里許蘇軾治杭日多治事于

此廢

豐預門湧金樓政和六年郡守徐鑄以豐豫門樓隳

損命鈐轄楊靖重建頗極壯麗榜曰

湧金樓

聳翠樓在豐豫門外政和七年郡守徐鑄命鈐轄楊

靖于湖堂之右以衆樂亭舊址臨湖

為聳翠樓

望湖樓

一名看經樓

乾德五年忠懿王錢氏建去錢唐門

一里蘇軾有望湖亭詩

觀

雲濤觀在舊治政和元年郡守張閣既徙巽亭以其

舊址更造廢

閣

儒賢亭會之閣故詞正夫

口在萬松嶺東青平

門青平

政和三年

敕建

御書賜是

一德格天之閣紹興中

御書賜太師秦檜之居廢

望海閣在漕臺舊治廢

白公竹閣在孤山與栢堂相連有唐刺史白居易祠

堂蘇軾有竹閣栢堂二詩

巢居閣林逋故廬有此閣或云在寶雲寺即雲巢也

廢

紅梅閣在府治

軒

石林軒在舊治後至和中郡守孫沔初建號燕思閣

又取臨安縣淨土寺立石七株置之

閣前蒼然竒怪號七賢石元祐中郡

守蒲宗孟改名石林軒廢



乾道臨安志卷第三

8 牧守政績附



歷代

全琮

黃武五年吳孫權分三郡險地為東安郡全琮領郡太守治富春明賞罰招誘降附數月中得萬餘人名還琮字子璜錢唐人見吳志

柳冲

唐貞觀中為杭州刺史有能名蒲州虞鄉人

袁仁敬

開元十三年明皇自撰刺史凡十一人大理少卿  
袁仁敬為杭州刺史詔宰相諸王御史以上  
祖道洛濱盛具奏太常樂帛舫水嬉命高力士賜  
詩帝親書且給筆札令自賦

崔渙

肅宗時為左散騎常侍餘杭太守江東採訪使博  
陵平安人一作安平

房孺復

唐貞元初韋應物為蘓州牧房孺復為杭州牧韋  
嗜詩房嗜酒每與賓友一醉一詠其風流雅韻多  
播于吳中或目韋房為詩酒仙見白居易吳郡詩  
石記元和姓纂云孺復河南人

李泌

字長源代宗朝為杭州刺史引湖水入城為六井  
以利民為政有風績德宗在奉天召赴行在授左  
散騎常侍拜中書侍郎同中書門下平章事封鄴縣侯

白居易



字樂天事唐穆宗為中書舍人長慶二年七月出  
為杭州刺史始築堤捍錢塘湖鍾洩其水溉田千  
頃復濬李泌六井民賴其汲久之以太子左庶子  
分司東都封馬州縣侯

李宗閔

字損之文宗時為杭州刺史

宣祖之廟亮  
諱上一字

為給事中杭州刺史

裴夷直

李中敏

字禮卿武宗時自中書舍人出為杭州刺史

字藏之隴西人唐文宗開成末為杭州刺史

李錡

唐淄川王五世孫自雅王傳出為杭州刺史居三  
歲遷浙西觀察諸道鹽鐵轉運使

于邵

字相門京兆萬年人以諛議大夫制誥出拜杭州  
刺史

楊憑

字虛受治京兆有政績後徙州長史

崔彥曾

懿宗朝咸通二年為杭州刺史地里志

右並見唐書

韋夔

虞部郎中杭州刺史京兆杜陵人

崔恂

水部郎中杭州刺史鄭州人

裴常棣

兵部郎中杭州刺史河東聞喜人白居易冷泉亭

記云觀風亭常棣所建

獨孤嶼

侍御史杭州刺史洛陽人

李自挹

杭州刺史唐宗室

封亮

司封員外郎杭州刺史文潯海人

雙士恪

右武衛大將軍定相二州總管杭州刺史呂國公  
天水部人

薛自勉

司勳員外郎餘杭太守河東汾陰人

薛瑩

杭州刺史河東汾陰人

盧涇

杭州刺史沁陽涿縣人

楊行矩

蔡州總管杭州刺史上蔡人

柳楚賢

光祿少卿杭州刺史河東解縣人

柳德義

杭州刺史

史令卿

祠部郎中杭州刺史建康人

杜信

刑部員外郎杭州刺史京兆人

右見元和姓纂

相里尹造

韓僕射皋

給事中盧元輔

右司郎中河南元奘

右四人及裴常棣見白居易冷泉亭記

王頽

貞元六年為杭州刺史見國一禪師塔銘

杜陟

陸則

李幼

崔鄩

路異

右五人並杭州刺史與白居易盧元輔裴常棣  
楊憑九人皆曾造僧慧琳之室論心要見慧琳

碑

周寶

為杭州刺史後唐僖宗時群盜起竇以諸縣鄉兵  
討之號八都兵見五代史

國朝

范旻

太平興國三年三月己酉吳越國王錢俶

朝于乾德殿是年俶乃納土五月丙戌

太宗皇帝始命水部郎中范旻為考功郎中知杭

州左贊善大夫孟貽孫通判事自是名卿鉅公接

武而至舊常記姓名于廳事桀然可觀也至建炎

間兵戈擾亂城邑隳廢牧守姓氏隨亦湮沒於是  
博考載籍咨詢耆舊質諸太史氏自太平興國戊  
寅歲訖紹興辛亥凡一百五十三年僅得范旻而  
下一百人再除者一十三人三除者一官稱名氏除授歲月及  
史官所紀善政美績編列于左疑者闕焉自紹興  
辛亥以後則有太學博士何浦所撰題名記云

李繼凝

太宗即位轉刑部員外郎充兩浙轉運使尋知杭  
州  
名還

闕改刑部郎中充樞密直學士

劉知信

端拱二年四月丁卯以邕州觀察使劉知信知杭州

王化基

淳化四年五月庚戌以工部侍郎王化基知杭州  
遷禮部——召還以本官叅知政事本傳字永圖  
真定府人嘗作東南行百韵好事者傳誦之

魏羽

字垂天歙州婺源人拜給事中知潭州徙知杭州  
真宗即位遷工部侍郎

召還

張去華

至道三年六月丙午以給事中新知益州張去華  
知杭州咸平二年四月戊寅徙知蘓州

張詠

咸平二年四月戊寅以御史中丞張詠為工部侍郎  
即知杭州本傳詠以剛方自任以嚴猛為台御下

甚峻性躁急果決郡事都出于獨斷歲歉民多  
鬻私鹽以自給犯者甚衆連捕數百人誅悉寬其  
罰而遣之官屬請曰不痛繩之恐無以禁誅曰錢  
唐十萬民飢者八九苟不以鹽自活一旦蜂聚數  
千輩為寇盜則其患甚矣當俟秋成乃仍舊法是  
歲民獲安濟又有民家子與姊壻訟家財壻言妻  
父臨終此子三歲故見命掌資產且有遺書令異  
日以十之三付子餘七分與壻詠覽之以酒酌地  
曰汝妻父智人也以子幼甚故託汝倘遽以家財

十之七與子則子死于汝手矣亟命以十之七給  
其子餘三分給壻皆服其明斷拜泣而去咸平四  
年九月辛卯杭州民詣

**闕**獻土星圖一銀百兩乞留知州

詔獎詠仍還其銀代還知永興軍府拜尚書右丞  
字復之濮州鄆城人

自號乘崖公

宋太初

咸平五年五月癸丑以右諫議大夫京太初知杭  
州是年十一月甲午徙知廬州太初子永初澤州

東通志卷三

三

九

九

晉城人

王仲華

咸平五年十一月甲午以太常少卿知蘇州王仲華為右諫議大夫知杭州六年十月戊午徙知處

州

薛暎

咸平六年六月丁亥以禮部郎中知制誥權判度支薛暎為諫議大夫知杭州本傳景德初知杭州而咸平六年十月前守王仲華方徙處州字景陽臨決議銳州無留事宣次年暎方到官耶

是時起居舍人直史館姚鉉為轉運使檄屬郡當直司毋得輒斷徒以上罪暎即奏徒流笞杖自有科條苟情狀明白何須繫獄以累和氣請詔天下凡徒流罪人于長史前對辯如無所異聽遣決之朝廷施用其言在杭五年其治嚴明吏不能欺每五鼓冠帶黎明據案決事雖寒暑無一日異入知通進銀臺司兼門下封駁事

王濟

景德四年九月辛巳以工部員外郎兼侍御史知



稭事王濟為工部郎中知杭州本傳字巨川性剛直無所畏避出知杭州

真宗面加慰諭大中祥符四年遷刑部郎城西有錢塘湖可溉田千餘頃歲久湮塞命工濬治增置斗門以備潰溢之患仍以白居易舊記刻石湖側民頗利之徙知洪州

戚綸

大中祥符三年九月壬午以樞密直學士戶部郎中戚綸知杭州就加左司郎中五年正月甲戌綸

與轉運使陳堯佐言浙江壞岸漸逼州城望遣使自京師部埽匠壕寨赴州工役一詔從之令馳驛而往命轉運使更互檢校遂以埽岸易柱石之制雖免水患而衆頗非其變法七年三月癸卯徙知揚州綸本傳字仲言應天府楚邱人

薛頴

大中祥符七年三月癸卯以司封郎中薛頴為太僕少卿知杭州八年七月丁卯以斤修冊府元龜分送洪杭二州

馬亮

大中祥符九年九月己酉徙工部侍郎知昇州馬亮知杭州丁卯

詔如聞杭州葺江岸卒執役中苦足疾而死者甚眾宜令知州馬亮拯療之十月己卯加集賢院學士亮本傳字叔明有治劇才先是江濤大溢調兵築隄而工未就詔問亮所以捍江之策亮至禱于伍員祠下明日潮為之卻又出橫沙數里隄遂以成又上言近歲以來父祖未葬而多別財異爨

甚傷風教請自今未葬者不得析居明年改兵部

侍郎知廬州真宗朝致謚志肅

王欽若

天禧三年六月甲午尚書左僕射兼中書門下平章事王欽若除太子太保判杭州又詔曰鈞衡翊贊素彰勤畫之心藩翰鎮臨方佇惠和之績眷言寄任用示獎稱

真宗御製七言十韻詩一首賜之予自外朝登近侍克符昌運振嘉名一叅黃閣推良畫再陟鴻樞

顯至榮該博古今常猷納勤勞夙夜每專精石渠  
撰述多文備日觀封崇大禮成宰輔調元心匪懈  
真官兼職望彌清龍樓進秩恩尤異熊軾為藩  
任不輕二浙奧區期惠化三吳佳致悅高情重重  
山水舟中見處處壺漿陌上迎既肅迎遐安外域  
更分宵旰撫黎氓予衷側席方毗倚佇看甘棠播  
頌聲仍命依韵和進舊刻石于天禧四年一月甲  
申召知相州

王隨

天禧四年九月己酉朔以右諫議大夫兼太子右  
庶子權知開封府王隨為給事中知杭州乾興元  
年二月戊辰授秘書少監知通州

李及

乾興元年三月壬申以樞密直學士給事中李及  
知杭州天聖元年九月丁亥徙知應天府兼南京  
留守司本傳字知幾資性清介所治尚簡嚴喜尉  
薦下吏而樂道人之善在杭州惡其風俗輕靡未  
嘗事燕遊一日微雪遽出郊衆謂當命賓朋為高

會乃獨造處士林逋談至暮而歸任中不市物及  
去惟買白樂天集一部天聖六年卒謚恭惠

周起

天聖元年九月丁亥徙知揚州秘書監周起知杭  
州

馬亮再除

天聖四年三月庚辰徙知亳州工部尚書集賢院  
學士馬亮知杭州未行復知亳州是年四月戊午  
徙周起知應天府兼南京留守司

胡則

天聖四年戊午徙太常少卿知福州胡則為諫議  
大夫知杭州

李諮

天聖六年正月戊午以右諫議大夫知洪州李諮  
為給事中知杭州七年十月丙戌徙知永興軍

朱巽

天聖七年以左諫議大夫給事中新知河中府朱  
巽知杭州八年四月甲申為集賢院學士五月乙

丑徙知揚州本傳字順之揚州大長人忠愿自守  
真宗稱為長者

陳從易

天聖八年五月癸丑以左諫議大夫知制誥陳從  
易為龍圖閣直學士知杭州從易本傳字簡夫泉  
州人九年正月卒于官

張觀

天聖九年二月己丑以右司諫知制誥張觀為尚  
書兵部員外郎知杭州觀本傳字思正絳州人

真宗朝以那勤辭學科擢為第一初名正觀至是  
御筆去上一字知杭州再遷刑部郎中代還判國  
子監累除同知樞密院  
事拜尚書左丞

胡則 再除

明道二年四月甲子徙知陳州尚書刑部侍郎胡  
則知杭州景祐元年四月甲辰除兵部侍郎致仕  
則本傳字子正婺州永康人少有清名尚風義

真宗

仁宗擢用焉

鄭向

景祐元年四月丙午以尚書兵部郎中知制誥鄭向為龍圖閣直學士知杭州三年四月庚午杭州言向卒本傳字公明開封陳留人

俞獻卿

景祐三年四月辛未以右諫議大夫俞獻卿為集賢院學士知杭州四年十二月庚午為給事中本傳字諫臣歙州人

真宗朝嘗為杭州仁和令暨知杭州一日暴風江

潮溢決堤勢不可禦獻卿鑿西山石作堤數十里民用便之賜詔褒諭

柳植

寶元元年六月癸未徙知蘓州尚書工部郎中知制誥柳植知杭州二年八月辛未以植為翰林學士

司馬池

寶元二年八月丁丑徙知同州尚書工部郎中天章閣待制司馬池為兵部郎中知杭州康定元年

九月辛酉移知虢州

張若谷

康定元年九月辛酉以知應天府樞密直學士尚書刑部侍郎張若谷為龍圖閣直學士知杭州慶曆元年五月壬申徙知鄭州

鄭戩

慶曆元年五月辛未以樞密副使右諫議大夫鄭戩為資政殿學士知杭州二年六月癸未除給事中知并州戩本傳字天休蘓州人性強毅明俊意

有所欲必行之西湖溉民田數百頃歲久不治葑泥烟塞又為豪族與僧寺規占甚多戩乃發屬縣丁數萬盡闢之民賴其利後有

詔歲常修導

蔣堂再除

慶曆二年六月甲午以尚書戶部郎中天章閣待制知應天府蔣堂為左司郎中知杭州三年六月丁巳除樞密直學士知益州堂本傳字希魯宜興人始知杭州徙益州移河中府再知杭州

宋初

慶曆三年七月丁卯以尚書禮部郎中知制誥宋  
初為龍圖閣直學士知杭州本傳云未行改翰林  
學士知審刑院

楊偕

慶曆三年九月壬辰以知越州翰林侍讀學士尚  
書左司郎中楊偕知杭州偕本傳字次公性剛朴  
敢為大言慶曆三年知審官院求知越州道改杭  
州上太平可致十象圖還判太常寺

方偕

慶曆五年十月戊寅徙淮南江浙荆湖制置發運  
使尚書兵部員外郎天章閣待制方偕知杭州六  
年六月甲戌轉刑部郎中七年七月庚子除太常  
少卿分司西京本傳守齊古莆田人本以吏事進  
而杭訟牒素煩遣決無留事以病故分司

范仲淹

皇祐元年正月乙卯以知鄧州資政殿學士給事  
中禮部侍郎范仲淹知杭州七月癸卯加尚書禮



部侍郎二年十月戊辰加戶部侍郎十一月辛酉  
徙京東東路安撫使知青州本傳字希文自樞密  
副使除叅知政事以疾請知鄧州徙杭州內剛外  
和所至有恩里巷之人皆知其名字謚文正

張方平

皇祐二年十一月辛酉以知江寧府端明殿學士  
兼龍圖閣學士給事中張方平知杭州本傳字安  
道宋城人慷慨有節氣知杭州言畿內稅賦之重  
及請減定刺配刑名由是畿縣稅損元額十三刺

呂溱

配法亦稍裁之遷禮部侍郎知滑州累遷叅知政事謚文定

皇祐三年六月甲午以起居舍人呂溱知杭州本  
傳字濟叔揚州人舉進士第一累遷知制誥知杭  
州為人簡倨接賓客不過數言時人目為七字舍  
人然開敏善議論一時名人多推許之自杭州除  
糾察在京刑獄勾當三班院

孫沔

皇祐五年四月壬午以樞密直學士給事中孫沔

知杭州行至南京召為樞密副使本傳字元規會稽人明敏果敢有吏材所在皆著能迹其知杭州仁宗解御帶賜之

李兑

皇祐五年八月己未以尚書吏部員外郎天章閣待制知諫院李兑為戶部郎中知杭州本傳字子西許州人知杭州日

仁宗飛白書安民字以賜之介靜簡嚴年老而精明有所舉措要使民便安之

孫沔再除

至和元年二月壬戌以樞密副使給事中孫沔為資政殿學士知杭州嘉祐元年八月戊午加資政殿大學士京東東路安撫使知青州

何中立

嘉祐元年八月壬戌徙知陳州樞密直學士尚書刑部郎中何中立知杭州二年八月癸酉杭州言中立卒本傳字公南許州人頗工文詞

梅執手

嘉祐二年九月戊寅以龍圖閣直學士尚書吏部  
郎中梅摯知杭州三年六月丙辰徙知江寧府本  
傳云字公儀成都府人性淳靜不為矯厲之行  
治如其為人雅好詩時有警句其知杭州

仁宗賜詩寵行地有湖山美東南第一州剖符宣  
政化持橐輟才流暫出論思列遙分旰飯憂循良  
勤撫俗未暮聽歡謳摯以詩之首章名堂為有美

命歐陽修撰  
記刻石堂上

唐詢 鄉郡

嘉祐三年六月丙辰以知蘓州尚書禮部郎中知  
制誥唐詢知杭州五年九月甲辰除吏部郎中本  
傳字彥猷杭州錢唐人也

施昌言

嘉祐五年九月甲辰以知鄧州樞密直學士給事  
中施昌言為尚書刑部侍郎知杭州七年八月甲  
申除龍圖閣學士涇原路經畧安撫使本傳字正  
臣通州靜海人

沈遵 鄉郡

嘉祐七年八月甲申以起居舍人知制誥沈遘為  
尚書禮部郎中知杭州本傳字文通杭州人自越  
州徙知越杭州遷吏部郎中召為勾當三班院為  
人輕儁明敏通達世務其治杭令行禁止人有貧  
不能葬及女子孤無以嫁者以公使錢葬嫁數百  
人倡優養良家女為己子者奪歸其父母接遇士  
大夫多得其歡心所部吏尤樂傾盡為之耳目刺  
閭巷間事纖悉即知故事至立斷眾莫不駭伏小  
民有犯情稍不善不問法輕重斷訖彊刺為卒刺

者數百人人屏息不敢犯議者以其嚴比孫沔然  
沔苛暴銳于懲惡至遘善人亦惧焉晨起治事及  
午事畢出與賓舊往還從容談笑以示有餘士大  
夫交稱其能

王琪

治平元年九月甲戌以樞密直學士同判太常寺  
王琪知杭州十一月己亥轉右諫議大夫二年徙  
知揚州本傳字君玉成都人以詩知名于世

蔡襄

治平二年二月以三司使給事中蔡襄為端明殿  
學士尚書禮部侍郎知杭州本傳字君謨興化軍  
仙游人為政精明吏不能欺三年五月甲寅徙知

應天府

胡宿

治平三年四月庚戌以樞密副使尚書禮部侍郎  
胡宿為尚書吏部侍郎觀文殿學士知杭州四年  
六月甲子以太子少師致仕本傳字武平常州晉  
陵人清儉謹默內剛外和其蒞官治事紳名重不

輟發發亦不可回臨民篤恭不畧細故人尤愛之  
神宗即位遷左丞以疾卒于杭州學問文章人多

稱述之謚曰文恭

呂溱再除

治平四年六月甲戌以給事中集賢院學士呂溱  
為龍圖閣直學士再知杭州九月辛丑除知開封

府

祖無擇

治平四年十月丁未以右司郎中知鄭州祖無擇

為右諫議大夫加龍圖閣學士知杭州

鄭獬

熙寧二年五月癸未以翰林學士尚書兵部員外郎鄭獬為翰林侍讀學士戶部郎中知杭州三年四月己卯徙知青州本傳字毅夫安州人舉進士

第一

趙抃

熙寧三年四月己卯以古諫議大夫叅知政事趙抃為資政殿學士知杭州十二月庚申徙知青州

本傳字閱道衢州西安人和易長厚氣貌清逸所至必興學校勸獎後進為政視其俗之厚薄與事多寡設施為術不同杭州故多盜聞抃性寬細民益聚為盜林取其情重者配他州盜遂散去境內以清

沈立

熙寧三年十二月庚申以知越州右諫議大夫沈立知杭州本傳字立之和州人知越州移杭州除審官西院勤于職事所得圭租多以市書

陳襄

熙寧五年五月乙未以知陳州尚書刑部郎中知制誥陳襄知杭州熙寧七年六月己巳徙知應天府本傳字述古福州人有學行所至務先學校至親為講解好薦達人才喜愠不形于色為政多慕古人所為

楊繪

熙寧七年六月己巳以知應天府翰林侍讀學士尚書禮部侍郎楊繪知杭州與陳襄兩本傳字元

素漢州人為翰林學士御史中丞出知應天府徙杭州再入為翰林學士兼侍讀

沈起

熙寧七年九月丙申徙知潭州尚書刑部郎中天章閣待制沈起知杭州本傳字興宗明州人為人寬和臨事明敏

蘇頌

熙寧九年正月丙寅以秘書監集賢院學士蘇頌知杭州本傳字子容時以吳越荐飢自勾當三班

院選知杭州

召為提舉中太一宮修

仁宗

英宗正史

章惇

熙寧十年五月庚申以知湖州右正言知制誥章

惇知杭州未行為翰林學士

趙抃再除

熙寧十年五月癸亥以知越州資政殿大學士右

諫議大夫趙抃知杭州十月戊子抃言吳越國王

錢氏有墳廟在錢唐臨安縣棟宇頽圯林木荒穢

欲令兩縣選僧道主管歲度其徒各一人從之

朝旨欲修杭州城抃度出于人者數千萬獨奏杭

人新罹旱災未可興工乃罷役抃告老元豐二年

以舊職加太子太保致仕自號清獻

鄧潤甫

元豐二年正月己丑以右諫議大夫知撫州鄧潤

甫知杭州四年四月乙酉除龍圖閣直學士徙知



成都府本傳字聖求建昌人累遷尚書左

張詵

元豐四年四月乙酉以龍圖閣直學士知成都府  
張詵知杭州本傳字樞言浦城人既除知杭州將  
行詔權知熙州經畧熙河事既而赴杭州

哲宗即位遷正議大夫請解郡事除提舉杭州洞  
霄宮

呂公孺

元豐八年四月丁丑以正議大夫呂公孺知杭州

未行五月丙辰除龍圖閣直學士知鄆州本傳字  
稚卿故相夷簡之子初知陳州徙杭州再知鄆州

蒲宗孟

元豐八年七月庚戌以新知揚州大中大夫資政  
殿學士蒲宗孟知杭州元祐二年十一月己酉徙  
知鄆州本傳字傳正閬州人集錢唐詩自宋齊以

餘篇為三十  
卷行于世

楊繪再除

元祐二年十一月庚申以知徐州朝散大夫天章

閣待制楊繪知杭州本傳

神宗朝知杭州入為翰林學士兼侍讀

英宗即位再知杭州元祐三年六月杭州言繪卒

繪吏事敏給主于愛利雖胥吏皂隸有過多容之

熊本

元祐三年六月癸巳以龍圖閣待制知越州熊本

知杭州四年五月庚午徙知江寧府

蘇軾

元祐四年三月丁亥以翰林學士蘇軾為龍圖閣

學士知杭州六年正月丙戌除吏部尚書本傳字

子瞻眉州人熙寧四年通判杭州後十六年復為

郡守歲適水潦飢疫相仍軾為請于朝得減上供

米三之一故穀不翔踴復以所賜度牒益市粟濟

飢殍明年賤糶常平米又作糜粥遺人命醫官分

治疾病賴以全活者甚眾開西湖疏苑山蓋橋河

修治堰閘濬城中六井與民興利除害講究甚悉

郡人德之為立祠堂六年

名為翰林學士承旨

熊本再除

元祐六年正月丙戌以龍圖閣待制知江寧府熊本知杭州本傳字伯通鄱陽人初除越州道移杭州徙江寧府遷中大夫復除杭州未行召還

林希

元祐六年二月癸巳以朝奉大夫天章閣待制知潤州林希知杭州是年三月癸酉一詔遷一官七年十月丁丑除禮部侍郎樞密院事

王存

元祐七年八月癸亥以吏部尚書知大名府王存知杭州紹聖元年八月丁丑提舉江寧府崇禧觀

陳軒

紹聖元年八月乙酉以知廬州龍圖閣待制陳軒知杭州三年八月辛巳徙知江寧府本傳字元輿建州建陽人嘉祐八年舉進士第二

韓宗道

紹聖三年八月辛巳以知瀛州大中大夫寶文閣待制韓宗道知杭州本傳字持正真定人知杭州

卓道隆女志  
以疾請詔以舊職加通議大夫致仕命未下四年卒

李琮

紹聖四年七月戊辰以刑部侍郎李琮為寶文閣待制知杭州元符元年八月丙子徙知永興軍

虞策 鄉郡

元符元年八月丙子以龍圖閣待制新知永興軍虞策知杭州未行九月己酉除戶部侍郎

林希 再除

元符元年九月己酉以中大夫知亳州林希知杭州

豐稷

元符 年 月 以龍圖閣待制豐稷知杭州三年四月己酉除諫議大夫

呂惠卿

元符三年四月己酉以檢校司徒鎮南軍節度使知延安府呂惠卿知杭州建中靖國元年三月癸亥為觀文殿學士右銀青光祿大夫提舉杭州洞

阜道臨安志 卷三

霄宮

龔原

建中靖國元年三月癸亥以承議郎知壽州龔原為寶文閣待制知杭州是月戊子為集賢殿修撰

知揚州

陳軒再除

建中靖國元年三月戊子以龍圖閣直學士新知

揚州陳軒知杭州崇寧元年四月癸卯徙知福州

鄒浩

崇寧元年四月癸卯以寶文閣待制知江寧府鄒

浩知杭州五月己卯移知越州

呂惠卿再除

崇寧元年閏六月己未以右銀青光祿大夫提舉

杭州洞霄宮呂惠卿為觀文殿學士知杭州八月

移知揚州

蔣之奇

崇寧元年十月癸亥以知樞密院事蔣之奇為觀

文殿學士知杭州

阜道臨安志 卷三

字文昌齡

崇寧二年九月乙巳以寶文閣待制知越州字文  
昌昌齡知杭州四年三月以中大夫致仕

王寧

崇寧四年六月戊子以尚書吏部侍郎王寧為顯  
謨閣待制知杭州七月丙申改知海州

曾孝廣

崇寧四年七月丁巳以戶部尚書曾孝廣為天章  
閣待制知杭州十一月丙午徙知秦州

呂惠卿 三除

崇寧五年八月癸酉以觀文殿學士知青州呂惠  
卿知杭州

曾孝蘊

大觀元年四月辛未以顯謨閣待制淮南江浙荆  
湖等路發運使曾孝蘊知杭州既而改知濠州

朱彥

大觀元年五月戊申以顯謨閣待制新知洪州朱  
彥知杭州四年正月庚申徙知潁昌府

王渙之

大觀二年三月辛酉以顯謨閣待制知潭州王渙之知杭州

席震

大觀三年二月壬午以徽猷閣待制知潭州席震知杭州是年五月丁卯改知廣州壬申復知杭州

蔡薺

大觀三年七月丁未以奉議郎知和州蔡薺為顯謨閣待制知杭州十月甲戌除給事中

張商英

大觀三年十二月癸酉以通議大夫提舉成都府玉局觀張商英為龍圖閣直學士知杭州乘驛赴闕四年二月辛未除資政殿學士中太一宮使

劉達

大觀四年二月壬辰以中大夫提舉亳州明道宮

劉

舉進士第三四年六月庚午除資政殿學士癸未詔乘驛赴闕

張閣

大觀四年九月壬申以翰林學士張閣為龍圖閣學士知杭州本傳字臺卿河陽人抗久闕守郡事廢弛閣經理有叙首去惡少之為民害者郡人為立生祠一名為兵部侍郎

龐寅孫

政和元年九月辛酉以司農卿龐寅孫為顯謨閣待制知杭州三年六月丙子除徽猷閣直學士

董正封

政和四年八月甲子以中大夫集賢殿修撰董正封為徽猷閣待制知杭州

李偃

政和五年八月甲辰以起復集賢殿修撰李偃為徽猷閣待制知杭州十二月癸亥徙為河南尹偃嘗奏湯却巖門白石等處並邊錢塘江通大海日受兩潮漸致侵嚙乞依六和寺岸用石砌壘

詔令轉運使劉旣濟措置

趙璩



政和六年閏九月戊辰以中奉大夫右文殿修撰  
京畿轉運使趙燾為徽猷閣待制知杭州宣和元  
年八月丙戌移知潭州

趙燾

宣和元年八月丙戌以徽猷閣待制江淮荆浙等  
路發運使趙燾知杭州二年十二月丁亥徙知青  
州

曾孝蘊再除

宣和二年十二月丁亥以朝請大夫天章閣待制

新知睦州曾孝蘊知杭州

虞奕 鄉郡

宣和三年正月辛酉以起復龍圖閣直學士新知  
杭州虞奕知鎮江府是年四月丁酉以知杭州曾  
孝蘊為顯謨閣直學士

蔡薳再除

宣和三年十月辛未以通議大夫提舉嵩山崇福  
宮蔡薳知杭州四年十一月癸巳詔龍圖閣直  
學士知杭州蔡薳提舉南京鴻慶宮

翁彥國

宣和四年十二月甲午以朝散大夫徽猷閣直學士知江寧府翁彥國知杭州七年十一月辛巳除提舉南京鴻慶宮

唐恪

宣和七年十一月辛巳以延康殿學士正議大夫知潭州唐恪知杭州靖康元年正月乙巳除吏部

尚書

翁彥國

再除

靖康元年正月乙巳以朝散大夫徽猷閣直學士翁彥國知杭州是月乙未改知鎮江府

毛友

靖康元年二月甲辰以朝請大夫延康殿學士毛友知杭州是年十月乙巳除宮祠

葉夢得

靖康元年十月乙卯朝散大夫葉夢得復龍圖閣待制知杭州

錢伯言

建炎元年八月丁丑以龍圖閣直學士錢伯言  
知杭州

侍其傳

建炎元年九月丁未朝議大夫直秘閣知真州侍  
其傳特授集英殿修撰知杭州二年四月十四日  
徙知宣州

康允之

建炎二年七月庚戌以徽猷閣待制康允之知杭  
州三年八月罷通判軍州安是年十一月三日改

杭州為臨安府

季陵

建炎四年四月以閣待制季陵知臨安府

胡舜陟

建炎四年六月戊寅以徽猷閣待制胡舜陟知臨  
安府是年八月丁憂解官

李光

建炎四年九月甲寅以徽猷閣待制李光知臨安  
府紹興元年正月三日徙知洪州

孫觀

紹興元年正月三日朝奉郎提舉江州太平觀孫觀除龍圖閣待制知臨安府

紹興題名記

安撫敷文湯公帥臨安之明年暇日謂其屬吏何溥曰臨安為東南一都會登郡而府有年于茲異時名公鉅儒旌榮相望流風美政播在人口至今故老能言之矧惟

皇帝時巡

警蹕所在呼吸四方根柢萬寓其事勢增重寔視古京兆自始

幸距今凡二十年帥臣代易僅以十數至問其姓名輒不可盡得間訪而得之往往不能以次對豈非題名不立之故哉予將編列其人勒之堅石以植于府治之東偏庶幾來者有攷焉子其為我記之溥既承命退而考求其故維臨安舊為杭州領浙西兵馬鈐轄宣和間改安撫使至建炎而陞為府未幾鈐轄如舊自紹興

駐蹕以未事任非曩比故使名復立至今凡為帥  
十有六人于是為記紹興十九年六月二十七日  
府學教授兼權太學博士何溥記

席益

紹興元年十一月二十六日朝奉郎起居舍人席  
益除集英殿修撰知臨安府二年正月十八日徙  
知衢州

宋輝

紹興二年正月十八日朝議大夫直龍圖閣發運

副使宋輝除秘閣修撰知臨安府三年二月二十  
五日除宮祠

盧知原

紹興三年三月初五日以右中奉大夫徽猷閣待  
制都督府叅謀官盧知原知臨安府是年六月二  
十七日除宮祠

梁汝嘉

紹興三年七月初三日右朝請郎直秘閣兩浙轉  
運副使梁汝嘉除直龍圖閣知臨安府六年八月

初五日除戶部侍郎

李謨

紹興六年八月二十九日以左中奉大夫直寶文閣知鎮江府李謨知臨安府七年正月初七日復知鎮江府

呂頤浩

紹興七年二月二十七日鎮南軍節度使知潭州呂頤浩除少保知臨安府八年正月初八日召赴行在

張澄

紹興八年二月二十九日以右朝請大夫集英殿修撰知建康府張澄知臨安府十年六月初一日除戶部侍郎

蔣燦

紹興十年六月初一日以右中奉大夫直龍圖閣兩浙轉運副使蔣燦知臨安府是年八月二十二日復為兩浙轉運副使

張滙

紹興十年八月二十四日以右朝散大夫直秘閣  
兩浙轉運副使張滙知臨安府是年九月二十一日  
復為兩浙轉運副使

俞俟

紹興十年九月二十六日右朝請大夫直秘閣知  
揚州俞俟除秘閣修撰知臨安府十二年十一月初  
四日除敷文閣直學士提舉江州太平觀

王喚

紹興十二年十一月初四日右中大夫集英殿修

撰兩浙轉運副使王喚除敷文閣待制知臨安府  
十三年八月初八日除工部侍郎

張叔獻

紹興十三年八月八日以右朝奉郎直龍圖閣兩  
浙轉運副使張叔獻知臨安府十四年十一月初  
三日改知紹興府

張澄再除

紹興十四年十一月初三日以龍圖閣學士右宣  
奉大夫知紹興府張澄知臨安府十六年九月十

八日除慶遠軍節度使改知温州

沈該

紹興十六年十月初五日以前朝散大夫直秘閣  
兩浙轉運判官沈該知臨安府十七年八月十四  
日除權禮部侍郎

趙不弃

紹興十七年八月十四日右中奉大夫權工部侍  
郎趙不弃除敷文閣待制知臨安府十八年六月  
十九日除工部侍郎

湯鵬舉

紹興十八年六月十九日左中奉大夫直秘閣兩  
浙轉運判官湯鵬舉除直敷文閣知臨安府十九  
年八月十七日除司農卿

宋貺

紹興十九年八月二十三日以前通奉大夫權尚  
書戶部侍郎宋貺兼權知臨安府二十一年閏四  
月十二日轉正奉大夫罷

趙士彰



紹興二十一年閏四月十三日以左朝請大夫兩浙轉運判官趙士彰兼權知臨安府是年九月十三日除直秘閣十九日正除知府二十三年九月二十三日除直敷文閣改知紹興府

曹泳

紹興二十三年九月二十三日右朝請大夫直徽猷閣知紹興府曹泳除直顯謨閣知臨安府十月初三日到任二十四年十一月十七日兼權戶部侍郎二十五年十月二十三日罷

韓仲通

紹興二十五年十月二十四日以右通奉大夫權刑部尚書兼權詳定一司  
勅令韓仲通兼權知臨安府二十六年三月十七日除戶部尚書依舊兼府事

榮蕤

紹興二十六年九月八日右朝請大夫知常州榮蕤除直秘閣知臨安府二十七年二月十一日以職事修舉轉右朝議大夫繼以磨勘轉右中奉大

夫七月十一日除樞戶部侍郎

張偁

紹興二十七年七月十一日以右朝議大夫直祕閣兩浙轉運判官張偁知臨安府是年十二月除直敷文閣二十八年九月轉右中奉大夫十一月除直顯謨閣二十九年閏六月初九日除祕閣修撰知明州

趙子瀟

紹興二十九年閏六月初九日左朝請大夫直祕

閣樞發遣兩浙路計度轉運副使趙子瀟除直敷文閣樞發遣臨安府三十年二月十五日除戶部侍郎

錢端礼

紹興三十年二月十五日右中大夫充祕閣修撰兩浙路計度轉運副使錢端礼除右文殿修撰知臨安府是年七月十一日除戶部侍郎

黃仁榮

紹興三十年七月十一日右中奉大夫直祕閣兩

浙路計度轉運副使黃仁榮除直敷文閣知臨安府是年九月初三日丁母憂

錢端礼 再除

紹興三十年九月初四日以右大中大夫權尚書戶部侍郎錢端礼權知臨安府三十一年正月十日

九日罷

趙子瀟 再除

紹興三十一年正月十九日左朝議大夫權尚書戶部侍郎趙子瀟除敷文閣待制知臨安府三十

二年九月十七日除尚書戶部侍郎仍兼知府事隆興元年正月十八日罷

林安宅

隆興元年正月十八日左朝請大夫尚書左司郎中林安宅除直顯謨閣知臨安府是年五月二十九日除主管台州崇道觀

陳輝

隆興元年六月二日以右朝請大夫直秘閣兩浙轉運副使陳輝兼權知臨安府是年七月三日除

直敷文閣知府事二年四月四日改知建寧府家

諱自陳改知湖州

黃仁榮再除

隆興二年四月初八日以右中丞大夫直敷文閣兩浙轉運副使黃仁榮知臨安府是年十一月二十六日罷

吳芾

隆興二年十一月二十六日左朝議大夫試尚書吏部侍郎吳芾除敷文閣直學士知臨安府是年

十二月初五日復為吏部侍郎

薛良朋

隆興二年十一月初五日以左朝奉大夫直顯謨閣兩浙轉運副使薛良朋知臨安府乾道元年七月十八日以警戢盜賊究心職事除直龍圖閣二年五月十一日除權工部侍郎

王炎

乾道二年五月十一日右朝奉大夫兩浙轉運副使王炎除直敷文閣知臨安府十二月十三日以

職事修舉除秘閣修撰三年五月二十六日除敷  
文閣待制知荆南府

周淙再除

乾道三年五月二十六日以右朝請大夫直龍圖

閣兩浙轉運副使周淙知臨安府先是紹興二十年嘗通判府

事至乾道五年二月十五日以職事修舉除秘閣

修撰乾道四年 月十四日磨勘轉右朝議大夫

五年七月初四日除右文殿修撰再任

乾道臨安志卷第三終

乾道臨安志跋

長興周淙彥廣撰臨安志十五卷直參書錄譏其首

卷為行在所于宮闕殿閣全不記載其他沿革亦多

疎畧此書世所罕傳萬曆中吾郡陳布政善修府志

時已不得見孫君晴厓得宋槧本于京師故家祇一

卷至三卷所載園亭坊巷及職官姓氏為潛君高咸

淳志蓋本其他惜無從更覓然斷珪殘璧為此邦文

獻計已不啻寶如圖球志稱乾道三年五月二十六

日以右朝請大夫直龍圖閣兩浙轉運副使知臨安

府先是紹興五年嘗通判府事宋史本傳但言宣和  
間以父任為郎歷官至通判建康府志稱乾道四年  
十月十四日磨勘轉右議大夫五年七月初四日除  
右文殿修撰再任本傳但言進石文殿修撰提舉江  
州太平興國宮以歸無再任臨安事此可以補史之  
闕咸淳志載淙濬湖撩草諸善政孝宗手敕獎諭本  
傳但言其開河一事亦似過畧

董浦杭世駿跋

乾道臨安志十五卷宋臨安府尹吳興周淙彥廣所  
修也此宋槧本僅一卷至三卷無序目可稽觀其稱  
孝宗為今上紀職官至淙而訖其為乾道志無疑吾  
郡志乘之有名者北宋圖經久已無考至南渡建為  
行都則此志居首繼之以施愕淳祐志潛說友咸淳  
志皆為宋人排續予所見者祇有咸淳志百弓向在  
花山馬氏吳君尺鳧抄藏尚缺七卷趙君谷林復購  
得宋槧本之半固已珍如球璧今孫君晴崖從都下  
獲此志雖僅什之一二而當恃官闕官署城中橋梁

坊巷具存職官始末更為詳晰諸家儲藏著錄未有  
及此者淙尹京昔撩湖濬渠綽有政績載在宋史其  
書更可寶也亟錄副本而歸之

樊榭厲鶚跋